



Aziz KADRIBEGOVIĆ:
Univerzalni bosanski intelektualac
Mehmedalija eff. Hadžić:
Muhamed eff. Mašić kao orijentalista

Iz stvaralačke riznice Muhamdea
Seida Mašića

-Filozofija: Allah zove poglede u svemir
-Publicistika: O čašilijama
-Poezija: Istiniti snovi, Anan - robinja
En Natifije, Ummu Sinan, Neustrašivi i
nepobjedivi, Moja draga Rasema,
Džamija i pred njom jedna česma

Nove knjige: "Tarihi Muhameda
Mašića", "Sumračno stanje", "Put i
krug", "Ugašena jutra"

Dosadašnjoj rubrici "Književnost" dali smo naziv "Riječ" kao adekvatniju odrednicu ispred sadržaja kojeg donosimo u ovom dijelu "Gračaničkog glasnika".

U ovom broju kompletnu rubriku "Riječ" ("Književnost") posvećujemo Muhamedu Seidu Mašiću iako smo ga i do sada "objavljivali" na našim stranicama. Ovoga puta želimo još jednom skrenuti pažnju na njegovo stvaralaštvo i na neki način obilježiti dvadesetogodišnjicu njegove smrti. I rubriku "Povodom", posvetili smo Muhamedu Mašiću, čija je sudbina inspirisala uvaženog prof. dr. Huseina Kulenovića da napiše nadahnut tekst o sudbini intelektualca na ovim prostorima. Skrećemo pažnju i na zanimljivo predavanje Mehmedalije eff. Hadžića koje objavljujemo u ovoj rubrici kao mali intelektualni portret Muhameda Seida Mašića.

Za ilustraciju i početno upoznavanje sa stvaralačkom riznicom ovog znamenitog Gračanlije odabrali smo nekoliko njegovih originalnih pjesama (od kojih neke objavljujemo kao faksimile), zatim objavljujemo izводе iz prevodilačkog i publicističkog rada, tarihe i prijevode arapskih pjesama.

Zašto ovo činimo?

Umjesto odgovora na ovo pitanje "prepisujemo" riječi profesora Muhidina Pelesića iz feljtona "Veliki majstor šah bejta" u listu "Ljiljan" od 4. marta 1998. godine: "Nikad nije dosta nenametljive pažnje i istinskog poštovanja za zaslužne ljude duha, čija djela trebaju današnjici i budućnosti. Nadati se da će sve manje biti sličnosti sa riječima reisu-l-uleme Džemaludina Čauševića: 'Mi smo takovi - ne umijemo cijeniti i štovati svoje odlične muževe kako treba. Probudimo se istom kad nam ga smrt ugrabi.'

Jedan od bošnjačkih mislilaca i pjesnika, kome dugujemo lijepo sjećanje i ponovno čitanje njegovih djela, svakako je Muhamed Seid Mašić (1913-1978)."

Urednik